

Cód Iompair do Bhaill Foirne Bhord Oideachais agus Oiliúna Lú agus na Mí



1. Réamhrá

Is é Bord Oideachais agus Oiliúna Lú agus na Mí a d'fhorbair an Cód Iompair seo do Bhaill Foirne BOO. Sa chód seo, cuirtear impleachtaí an Achta um Eitic in Oifigí Poiblí, 1995, agus impleachtaí an Achta um Chaighdeán in Oifigí Poiblí, 2001, san áireamh.

2. Aidhm

Is é aidhm an Chóid treoir a thabhairt do bhaill foirne Bhord Oideachais agus Oiliúna Lú agus na Mí agus a ndualgais á gcomhlíonadh acu.

3. Cuspóirí

Is iad seo a leanas cuspóirí an Chóid:

- Sraith chomhaontaithe de phrionsabail eiticiúla a leagan amach;
- Muinín agus iontaobh i mbaill foirne Bhord Oideachais agus Oiliúna Lú agus na Mí a chur chun cinn agus a choimeád;
- Forbairt agus glacadh cleachtas eiticiúil a chur chun cinn;
- Na caighdeáin dhlíthiúla, bhainistíochta agus eiticiúla is airde a chur chun cinn i ngach gníomhaíocht de chuid Bhord Oideachais agus Oiliúna Lú agus na Mí;
- Comhlíonadh an chleachtais bhainistíochta is fearr a chur chun cinn i ngach gníomhaíocht de chuid Bhord Oideachais agus Oiliúna Lú agus na Mí

4. Prionsabail Ghinearálta

Is é beartas Bhord Oideachais agus Oiliúna Lú agus na Mí dea-cháil a choinneáil don iompar eiticiúil agus do chothrom na féinne agus é i mbun gnó.

Ní féidir foráil a dhéanamh do gach cás sa Chód Eitice. Má bhíonn imní ar an bPríomhfheidhmeannach faoi ionracas cáis áirithe, ní mór dó/di dul i gcomhairle le Cathaoirleach an Bhoird. Ní mór do bhall foirne, seachas an Príomhfheidhmeannach, a bhfuil imní air/uirthi faoi ionracas cáis áirithe dul i gcomhairle leis an bPríomhfheidhmeannach nó leis an bPríomhoifigeach Acmhainní Daonna.

5. Infhaighteacht an Chóid

Déanfaidh Bord Oideachais agus Oiliúna Lú agus na Mí an méid seo a leanas:

- cuirfear an Cód Iompair seo agus doiciméad beartais maidir le nochtadh leasanna ar fáil do gach ball foirne BOO agus cuirfear in iúl do na baill foirne go léir cé chomh tábhachtach is atá sé agus go bhfuil sé ar fáil;
- Cinnteofar go n-admhaíonn na baill foirne uile go bhfuarthas é agus go dtuigeann siad na hábhair atá ann
- cuirfear treoir agus stiúradh atá praiticiúil ar fáil de réir mar is gá maidir lena leithéid réimsí amhail bronnánais agus siamsaíocht agus maidir le ceisteanna eiticiúla eile, a thagann chun cinn go rialta.

6. Athbhreithniú

Déanfaidh Bord Oideachais agus Oiliúna Lú agus na Mí athbhreithniú ar an gCód Iompair seo de réir mar is cuí. Ní mór aon athbhreithniú atá beartaithe don Chód seo a mheas agus a fhaomhadh ag cruinniú an Bhoird.

7. Sárúithe ar an gCód

Déileálfadh an Príomhfheidhmeannach nó oifigeach tarmligthe le sárúithe ar an gCód Iompair de réir mar is cuí. Má sháraíonn an Príomhfheidhmeannach an cód, déileálfadh Cathaoirleach an Bhoird leis. Cuirfear sárúithe ar an gCód Iompair in iúl don Chathaoirleach agus don Ard-Reachtaire Cuntas agus Ciste, agus féadfar iad a chur in iúl don Aire Oideachais agus Scileanna leis na cuntais bhliantúla agus an tuarascáil bhliantúil. Féadfar nósanna imeachta araíonachta an BOO a agairt, más cuí.

7 Na Bunphrionsabail

Ní mór do bhaill foirne an BOO cloí leis na bunphrionsabail seo a leanas, mar atá leagtha amach faoi na ceannteidil seo a leanas:

- (a) Ionracas;
- (b) Faisnéis;
- (c) Oibleagáidí;
- (d) Dílseacht;
- (e) Cothrom na Féinne;
- (f) Tuiscint don Timpeallacht Oibre/Sheachtrach.

(a) Ionracas

Ina theannta sin, déanfaidh baill foirne an BOO an méid seo a leanas:

- nochtfaidh siad fostaíocht/gnó seachtrach nó leasanna eile a mheasfaí go hoibiachtúil a bheith ag teacht salach ar ghnó an BOO nó a d'fhéadfadh teacht salach ar ghnó an BOO;
- ní bheidh siad i mbun fostaíochta/gnó bhreise nó ní bheidh leasanna eile acu a thagann salach ar ghnó an BOO nó a d'fhéadfadh teacht salach ar ghnó an BOO;
- ní ghlacfaidh siad le fostaíocht bhreise i gcás ina bhféadfadh coimhlint leasa teacht chun cinn le linn tréimhse ama réasúnta tar éis do dhuine scor de bheith ina bhall foirne den Bhord;
- ní thabharfaidh siad bronnánais chorparáideacha, fáilteachas, cóir fhabhrach ná leasanna agus ní ghlacfaidh siad leo ach an oiread sa chás go bhféadfadh tionchar nó go mbeadh an chuma go bhféadfadh tionchar a bheith acu ar chumas an duine a thugann iad nó an duine a fhaigheann iad le breithiúnas neamhspleách a dhéanamh faoi idirbhearta gnó;
- comhoibreoidh siad go bríomhar, go réamhghníomhach, go heiticiúil agus go hionraic le hinstiúidí oideachais eile, le seirbhísí tráchtála agus le soláthraithe eile de sheirbhísí taighde agus comhairleacha;
- rachaidh siad i mbun gníomhaíochtaí d'earraí/seirbhísí a cheannach de réir an bheartais phoiblí, dea-chleachtais ghnó agus rialacháin cheannacháin an BOO;
- ní dhéanfaidh siad costais a éileamh ach amháin má bhaineann siad leis na riachtanais ghnó agus de réir an dea-chleachtais san earnáil phoiblí i gcoitinne;

- rachaidh siad i mbun seirbhísí comhairliúcháin agus seirbhísí eile de réir threoirlínte an bheartais phoiblí;
- cinnteoidh siad go léiríonn cuntais/tuairiscí an BOO go cruinn a fheidhmíocht agus nach bhfuil siad míthreorach nó deartha le bheith míthreorach;
- ní bhainfidh siad úsáid as acmhainní ná am an BOO chun a dtairbhe féin, ná chun tairbhe daoine/eagraíochtaí nach bhfuil ceangal acu leis na hinstiúidí ná lena ghníomhaíochtaí;
- gheobhaidh siad eolas nó rún ghnó ar na bealaí cuí amháin.

(b) Faisnéis

Déanfaidh baill foirne an bhoird an méid seo a leanas:

- cuirfidh siad rochtain ar fhaisnéis ghinearálta a bhaineann lena ghníomhaíochtaí ar fáil ar bhealach atá oscailte agus a chuireann leis an gcuntasacht atá air don phobal i gcoitinne;
- beidh meas acu ar an rúndacht a bhaineann le heolas íogair atá ag an BOOLM, agus aird á tabhairt do mhír 13 de Sceideal 3 den Acht um Boird Oideachais agus Oiliúna, 2013. Is é a bheadh i gceist le heolas íogair ná ábhar amhail na nithe seo a leanas:
 - ▶ Faisnéis Phearsanta;
 - ▶ Faisnéis a fuair an BOOLM faoi rún;
 - ▶ Aon fhaisnéis atá íogair ó thaobh na tráchtála de nó aon fhaisnéis íogair eile a d'fhéadfadh tionchar a imirt ar cháil an BOOLM;
 - ▶ Aon ábhar eile a bhféadfadh a eisiúint a bheith ina gníomh mídhleathach nó neamheiticiúil.
- cloífidh siad le nósanna imeachta comhairliúcháin chuí leis na tríú páirtithe áit, i gcás eisceachtúil, a bhfuil sé beartaithe faisnéis íogair a eisiúint ar mhaithe leis an bpobal;
- comhlíonfaidh siad forálacha reachtúla ábhartha uile (e.g. An tAcht um Chosaint Sonraí, 1998 agus 2003, agus na hAchtanna um Shaoráil Faisnéise, 1997 go 2013);
- beidh siad go hiomlán faoi rún maidir le gach plé agus cinneadh a dhéantar ag cruinnithe an Bhoird agus sa BOO.
- leanfaidh siad de bheith go hiomlán faoi rún maidir le faisnéis íogair agus maidir leis an bplé agus na cinntí a dhéantar ag cruinnithe an Bhoird agus sa BOO nuair a thagann deireadh lena f(h)ostaíocht sa BOO.
- comhlíonfaidh siad forálacha reachtúla ábhartha (e.g. reachtaíocht um chosaint sonraí agus reachtaíocht um Shaoráil Faisnéise).

(c) Oibleagáidí

Déanfaidh baill foirne an BOO an méid seo a leanas:

- comhlíonfaidh siad na hoibleagáidí rialála agus reachtúla uile atá forchurtha ar Bhord Oideachais agus Oiliúna Lú agus na Mí ag an Acht um Boird Oideachais agus Oiliúna, 2013, agus ag reachtaíocht ábhartha eile;
- comhlíonfaidh siad nósanna imeachta ina bhfuil mionsonraí maidir le tairiscint agus ceannach, chomh maith le leibhéil údaráis fhorordaithe a chomhlíonadh le haghaidh aon chaiteachas ábhartha a cheadú;
- cinnteoidh siad go bhfuil rialuithe i bhfeidhm chun cosc a chur ar chalaois agus chun a chinntiú go gcomhlíontar na nósanna imeachta forordaithe maidir leis na leibhéil údaráis le haghaidh aon chaiteachas ábhartha a cheadú lena n-áirítear costais do thaisteal gnó;

- comhoibreoidh siad le hiniúchadh inmheánach sa phróiseas iniúchta inmheánaigh.
- cloífidh siad leis na nósanna imeachta atá leagtha síos ag an mBord i ndáil le cásanna ina mbíonn coimhlintí leasa agus ábhair imní rúndachta.
- aithneoidh siad an dualgas atá orthu le cloí leis na caighdeáin eitice is airde.

(d) Dílseacht

- Aithneoidh baill foirne an BOOLM an fhreagracht atá orthu le bheith dílis don BOO agus le bheith go hiomlán tiomanta dá ghníomhaíochtaí uile agus a thuiscint ag an am céanna nach mór don BOO é féin leas na scoláirí agus na maoinitheoirí, lena n-áirítear na cáiniocóirí, a chur san áireamh i gcónaí.

(e) Cothrom na Féinne

Déanfaidh baill foirne an BOO an méid seo a leanas:

- comhlíonfaidh siad reachtaíocht um chomhionannas fostaíochta agus um stádas comhionann;
- beidh siad tiomanta do chothrom na féinne i ngach beartaíocht ghnó;
- beidh meas acu ar scoláirí, baill foirne, soláthraithe agus custaiméirí an BOO agus caithfidh siad go cothrom lena scoláirí, baill foirne, soláthraithe agus custaiméirí.

(f) Timpeallacht Oibre/Sheachtrach:

Déanfaidh baill foirne an BOO an méid seo a leanas:

- Cuirfidh siad forbairt an chultúir de ‘labhairt amach’ chun cinn, inar féidir le hoibrithe a gcuid imní a chur in iúl maidir le héagóir thromchúiseach san áit oibre gan eagla a bheith orthu go mbainfí díoltas amach;
- tabharfaidh siad tús áite do shláinte agus sábháilteacht a bhfoirne agus a scoláirí a chur chun cinn agus a chothabháil;
- cinnteoidh siad go ndéantar ábhair imní an phobail a mheas go hiomlán i ngníomhaíochtaí agus oibríochtaí an BOO;
- déanfaidh siad aon iarmhairt dhíobhálach a bhíonn ag oibríochtaí an BOO ar an timpeallacht a íoslaghdú.